

19

PRINCIPIA PHILOSOPHIÆ AUTORE G. G. LEIBNITIO.

Juvante DEO,

P R A E S I D E

JOHANNE CONRADO
CREILINGIO,

philosophiæ Naturalis & Mathem. Prof. Ordinario;
Facult. Philos. h. t. DECANO.

*Pro summis in Philosophia Honoribus rite
consequendis,*

quoad S.S. 39. priores,

publicæ Amicorum disquisitioni exponet

JOH. FRIDERICUS RAMSLER, Mercklingensis,
Magisterii Philosophici Candidatus.

D. Augusti, Anno MDCCXXII. h. l. c.

T U B I N G Æ ,
Typis JOSEPHI SIGMUNDI.

Digitized by the Internet Archive
in 2019 with funding from
Wellcome Library

<https://archive.org/details/b30774585>



PRÆFATIO.

Editanti per hos dies de argumēto disputationis
 Philosophicæ habendæ commodum accidit, ut Bi-
 bliopola noster, quod ex actis Eruditorum, quæ
 Lipsiæ publicantur, restabat, tandem advehens,
 Sectionem quoque XI. & XII. Tomi VII. Supple-
 mentorum offerret; quas avidis perlustranti ocu-
 s in priori statim sub aspectum ceciderunt p. 500. seqq. PRINCI-
 PIA PHILOSOPHIÆ AUTORE G. G. LEIBNITIO. Immortale No-
 men, quod suo merito Perillustris b. Autor, quo nemo ad refor-
 mandam Philosophiam aptior videbatur, consecutus est, causa fuit;
 non tantum incesseret animum cupido legendi hæc Principia,
 & jam ab aliquo tempore haud exiguum inter Eruditos rumorem
 citarunt, verum etiam potentibus a me Disputationis materiam
 obus Candidatis Præstantissimis loco thesum ventilandarum ea
 nmendarem, ratus non alia ratione facilius in apricum prodi-
 cum esse, quid positionibus his subfit veritatis, quam per ejus-
 di disquisitiones amicas, quibus, quod ajunt, cos cotem acuit.
 dita fuere in perlectione eorum subinde quædam Scholia, quibus
 tim, quæ primum in mentem inciderunt, Cogitationes nostræ
 tinentur, aliorum judiciis studio non lectis nec in subsidium
 catis, haud paucis etiam, quæ disquisitione digna fuissent, bre-
 atis caussâ omissis. Num vero profundissimi Autoris mentem
 que adsecuti simus, dubitare nos jubent Thesum concisa brevi-

tas, earumque arctissime connexarum nodi latentes, quos solus Vir Immortalis solvere posset, si pristino vita gradu adhuc intermortales degeret. Bona interim fide meletemata hæc extempora-
nea in chartam conjecimus, quicquid mens nullius, nisi veritatis, amore, nulliusque odio acta suggestit, pro ingenuitate nostrorum proferentes, errorem quoque, sicubi hallucinati fuimus, monita grata mente correcturi, qui de cetero Incomparabilis Leibnitii merita maximi semper estimamus.

§. I.

Monas, de qua dicemus, non est nisi substantia simplex, quæ in composita ingreditur. *Simplex* dicitur, quæ partibus caret.

Monas est vox desumpta ex philosophia antiquissima, Pythagorica & Platonica, latine Unitatem, uti notum est, significans Pythagoricos enim & Platonicos eadem voce frequenter usos esse neminem latet, qui in historia philosophica hospes non est præter Jamblichum, Mevsiūm, Patritium, aliosque, quos tacemus, unum Hopperum, Illustrem Virum, testimonii loco allegamus, qui ita in Sedvardo suo tit. de DEO loquitur: quemadmodum *Monas* principium, ita quaternarius omnium numerorum est complementum, dum unum, duo, tria in se comprehendit, & ex omnibus trinum unum efficit. Et quidem quo explicite (ut sic loquar) sunt decem, ultra quæ nullus amplius est numerus, sed repetitio numeri duntaxat, hoc implicite sunt quatuor. Nam unum, duo, tria, quatuor, sunt decem, accumulat *Monadis* sit substantiam rebus tribuere, per id quod est, binarii distinctionem, per unum & alterum, ternarii ordinem, permotum & quietem a principio per medium ad finem: quaternarii est concentum iis tribuere secundum proportionem Arithmeticam, Geometricam & Harmonicam, item Hypate, Meze, & Nete; nec non pondus numerum & mensuram, idque secundum harmoniam diatessaron, diapente & diapason, quæ omnia in quaternario insunt. *Monadis* autem nomine vix aliud aptius dari potest prima & simplicissima rerum elementa in universum

versum exprimens, neque obstat, quod *Epiphanes*, Auctor *Monadicæ Cognitionis*, aliique hæretici eodem usi fuerint. *Atomus* enim, quæ voce nonnulli utuntur, per Epicureos ad natu-
 ram corpoream determinata videtur, licet Aristoteles nihil in-
 teresse dicat, *μονάδας λέγειν, ἡ σωματικαὶ συμμετρία*, (*Monades* dice-
 re aut corpuscula.) *Punctum* qui dicere vellet, cogeretur respon-
 dere ex vulgata hypothesi ad id, quod punctum punto addi-
 tum non generet magnitudinem, adeoque nihil exinde compo-
 ni possit. Quod & ipse Ill. Auctor in A. E. Ao. 1698. pag. 435.
 monuit inquiens: et si dentur atomi substantiæ, nostræ scilicet
Monades, partibus carentes: nullæ tamen dantur atomi molis,
 seu minimæ extensionis, vel ultima elementa, cum ex *punctis*
 continuum non componatur. *Monas* dum hic definitur sub-
 stancia simplex quæ in composita ingreditur, ultimis his verbis
 B. Auctor distincte significat, se per *Monadem* non intelligere,
 quod per *Punctum* vulgo mathematici. Licet simplex ipsi de-
 finiatur iisdem verbis, quibus in *puncti* definitione usus est *Eu-*
clides: *Σημεῖον ἐστὶν δὲ μέρος γόνην* (punctum est, cuius pars nulla)
 inquiens. Ceterum in tota definitione & quod *Monadas* suas,
 quas alibi veras & reales unitates vocat, ad genus substantiæ
 restrinxerit, jure suo, quo quivis dicere potest, quid per hanc
 aut illam vocem intellectum velit, usus est Ill. noster Pythago-
 ras Germanus, quem si quis cum illo Samio, primo omnium
 philosopho & italicæ sectæ vel auctore vel instauratore, con-
 ferre velit, non vanam suscipiet operam. Nos illam peritio-
 ribus, qui majori historiæ philosophicæ cognitione gravi sunt,
 relinquimus. Id forte metaphysici adhuc desiderabunt, ut
 explicetur distinctius, quales intelligantur partes, quæ in *Mo-*
nadibus Leibnitianis negantur, an omnes omnino, an certi
 tantum generis? qualisve sit illa compositio, cui hæc simpli-
 citas opponitur, & qua *Monades* carent? an saltim physica,
 an vero etiam metaphysica & omnimoda? Verum quoniam
 ipsum auctorem in sequentibus aphorismis clarius se explicatu-

rum esse speramus, differendum eo judicium : maxime cum nondum satis nobis liqueat, quî hæc simplicitas & partium carentia cum ea *monadis* explicatione conciliari possit, quam ipse occasione litis de naturæ idolo inter *Sturmium* & *Schelhammerum* l. c. pag. 434. dedit : ubi, quod activitates materiæ rei passivæ modificationes esse nequeant, disertis verbis inquit: debere in corpore a substantia reperiiri ἐντελέχειαν primam tanquam πρώτον δεκτικὸν activitatis, vim scilicet motricem primitivam &c. atque hoc ipsum substantiale principium est quod in viventibus *anima*, in aliis *forma substantialis* appellatur, & quatenus cum materia substantiam vere unam seu unum per se constituit, id facit, quod ego *Monadem* appello. Hactenus auctoris verba. Si vero scholasticos quæras: quid faciat forma substantialis cum materia prima? respondebunt: Secundam, seu materiam physicam, seu corpus. Ergo corpus, quod est *substantia composita*, est *Monas*, quæ est substantia *simplex*. Sed hæc forte sequentia serenabunt.

§. 2.

Necesse autem est dari substantias simplices, quia dantur composita: neque enim compositum est nisi aggregatum simplicium.

Existentia *Simplicium* per existentiam *Compositorum* legitime probatur. Eo ipso enim quo composita dico, *partium* quibus constant, id est, *Simplicium* idea involvitur. *Composita* vero nemo negat. Exempli loco esse potest homo, qui in communī sententia est) substantia ex anima spirituali & corpore organico, vel ex substantia materiali & immateriali, tanquam partibus *essentialibus*; & quoad corpus ex cerebro, corde, pulmonibus &c. tanquam partibus *integralibus* composita. Quod si autem Harmoniæ Præstabilitæ hypothesis exemplum hoc quoad partem priorem non admittat, recte tamen contra vulgaris sententiæ patronos pro auctore urgebitur. Separata autem *Simplicium* in rerum universitate existentia hoc argumento non evincitur.

§. 3.

§. 3.

Ubi non dantur partes, ibi nec extensio, nec figura, nec divisibilitas locum habet. Atque *Monades* istae sunt veræ atomi naturæ, &c, ut verbo dicam, Elementa rerum.

Utrum *Extensio* & *Figura* esse nequeat, nisi ubi dantur partes, adeoque substantiæ simplices nulla sint figura præditæ? dubitari potest, quia omnis substantia finita, sive simplex sit si ve composita, terminis suis circumscribitur: terminorum autem vel extremitatum certa positio est *Figura*, ipsarumque *Monadum* multitudo singulis extremitates adscribit, easque determinat. In verbis sequentibus *Monades* ulterius explicantur veraeque atomi naturæ appellantur. Non enim desunt, qui inter veras atomos & Epicureas distinguunt, quod suas Epicurus magnitudine & figura varias statuerit; tales autem hic non intelliguntur, sed in genere simplicissima rerum Elementa & τὰ πρῶτα τῆς Φύσεως uno verbo. In quo Ill. Autor consentientem habet omnem Philosophorum chorū, qui, ne ipso quidem Aristotele excepto πὸ μικρομερέσατον καὶ λεπτότατον esse τὰ σοιχεῖσατον affirmante, unoque ore omnes Naturæ Minima, licet diversa ratione, agnoscunt.

§. 4.

Neque etiam in iis metuenda est dissolutio, nec ullus concipi potest modus, quo substantia simplex naturaliter interire potest.

§. 5.

Ex eadem ratione non datur modus, quo substantia simplex naturaliter oriri potest, quoniam non aliter nisi per compositionem formari posset.

§. 6.

Imo asserere quoque licet, monades nec oriri, nec interire posse nisi in instanti, hoc est, non incipere posse nisi per creationem, nec finiti nisi per annihilationem, cum e contrario composita incipient ac finiantur per partes.

Qui substantiæ simplicis definitionem §. I. traditam tenent, per omnia in his subscribere coguntur, nisi forte spiritualis quæ-

quædam emanatio momentanea sine partium compositione admittatur : qualis num in rerum natura detur , aliorum disquisitioni submittimus. Et nisi quis statuat , Deum ab initio simplicibus certam determinasse durationem , qua finita exspire , inque chaos seu nihilum redire debeant , qui modus tamen auctori inter naturales forte non recensabitur. Id saltim monemus , ne quis omnia , quæ de *Monadibus* suis intellecta vult Illustris autor , ad substantias vulgo etiam simples dictas , quales existere novimus , adplicet. In quibus cum multiplex detur compositio , non obstante simplicitate sua respectiva , ortus & interitus naturalis haud difficulter intelligi potest.

§. 7.

Nullo etiam modo explicari potest , quomodo *Monas* alterari aut in suo interiori mutari queat per creaturam quandam aliam , quoniam in ea nihil transponere , neque ullum motum internum concipere licet , qui excitari , dirigi , augmentari aut diminui possit , quemadmodum in compositis contingit , ubi mutatio inter partes locum habet. Destituuntur *Monades* fenestris , per quas aliquid ingredi aut egredi valet. Accidentia non egreditur ex substantiis , quemadmodum alias species sensibiles Scholasticorum. Atque adeo neque substantia , neque accidens in *Monadem* forinsecus intare potest.

§. 8.

Opus tamen est , ut *Monades* habeant aliquas qualitates : alias nescientia forent.

In his primo videtur tolli omne creaturarum mutuum commercium actionum & passionum , minimum inter *simplices*. Si ab extra nihil possunt pati , quomodo movebuntur ? Quomodo percipient ea , quæ extra sunt posita ? hactenus communiter tradunt : quicquid movetur , ab alio movetur. Si dicas : hunc motum non afficere *internum* *Monadis* sed *externum* : Vix hæc sine partium fictione concipientur. Id quidem verum est , si nihil intus esse statuas , quod possit transponi , vel generalius loquendo mutari : nulla quoque mutatio in interiore

i *Monados* fieri poterit , nulla inquam omnino , neque per creaturam aliam , neque per principium intrinsecum . Verum quia etiam in *Monadibus* juxta §. 8. est *compositio ex subiecto & accidenti* , nec non ex *accidentibus* , & quia externum *Monadis* aut est unum cum interno , aut communicat saltim cum interno ; quovis motu autem ab alia *Monade* impingente externum procul dubio patitur , actioque & reactio inter duas pluresve *Monades* concipitur : Status quoque internus *Monadum* mutari lebet ; ne de perceptionum varietate ab externo principio necessario dependente , nisi seipsam *Monas* & immanentia saltim percipiat , nunc quicquam adferam . Quando denique dicitur , quod *Monades* qualitate carentes non forent entia ; intellige alia , de quibus prædicata peculiaria ad generationem & compositionem aliorum necessaria possent derivari , vel in genere substantiæ cum relatione ad accidentia . Nam & qualitates qualitatibus carentes seu modi ipsi inter entia communiter reeruntur , entitatis quidem minoris , ut cum Scholasticis louamur .

§. 9.

Imo opus est , ut quælibet *Monas* differat ab alia quacunque . Neque enim unquam dantur in natura duo entia , quorum unum exesse convenit cum altero , & ubi impossibile sit quandam repetire differentiam internam aut in denominatione intrinseca fundatam . Quodsi substantiæ simplices qualitatibus non different ; nulla etiam in rebus mutatio observari posset : quoniam , quod in composito reperitur , aliunde quam ex simplicibus ingredientibus resultare nequit . Et si *Monades* qualitatibus destituerentur , nec una ab altera distingui posset , quoniam eadem nec quantitate differunt : consequenter si plenum supponatur , locus quilibet in motu non reciparet nisi quod æquivaleret ei , cui succederet , & unus rerum status indiscernibilis foret ab altero .

§. 10.

Affumo etiam tanquam concessum , quod omne ens creatum sit mutationi obnoxium , & consequenter etiam *Monas* creata ; imo etiam quod mutatio sit in unaqualibet continua .

§. II.

Sequitur ex hactenus dictis , mutationes naturales *Monadum* a

principio interno proficisci, propterea quod causa externa in ejus interius influere nequit. Et generaliter adfirmare licet, *Vim* non esse nisi principium mutationum.

In §. 9. cuncta luce sua radiant, & ex ejus verbis intelligitur quoque compositio in *Monadibus*, quæ est ex genere & differentia. Quæ vero in §§. 10. & 11. leguntur, pugnare videntur cum superioribus in §§. 5. 6. & 7. dictis. Sed quoniam in §. 7. negata tantum fuit mutatio forinsecus adveniens, hic autem ex eo, quod mutatio necessaria sit, neque tamen ab extra fieri possit, legitime infertur, illam fieri debere a principio interno, quod *Vim* adpellare libet. Aliis hoc principium mutationis *Natura* vocatur. Vis autem activa B. Auctori actum quendam seu ἐντελέχειαν continet, atque inter facultatem agendi actionemque ipsam media est, & conatum involvit; atque ita per se ipsam in operationem fertur; nec auxiliis indiget, sed sola sublatione impedimenti. Quod exemplis gravis suspensi funem sustinentem intendentis, aut arcu tensi illustrari potest (sunt verba Auctoris in A. E. 1694. pag. 112.) Hæc Vis alibi lex insita dicitur, in qua ipsa rerum substantia consistat (A. E. 1698. pag. 432.) Vis nimirum & agendi & patiendi, quam in specimine Dynamico utramque ita primitivam & derivativam distinguit. Primitivam vim agendam (quæ nihil ei est aliud, quam ἐντελέχεια ή πρώτη) animæ ve formæ substantiali respondere, patiendi autem vim primitivam seu resistendi, ait, id ipsum constituere, quod *materia prima* si recte interpreteris, in scholis adpellatur (v. A. E. 1695. pag. 146.) Nulla in his est pugna. In eo tamen aliqua esse videatur, quod omnis mutatio sive a principio interno, sive exterreno derivetur, in interiori *Monadum* per partes fieri debeat juxta §. 7. quæ tamen nullæ sunt. Porro omnis mutatio aut est *destructiva*, aut *perfectiva*. Illa *interitum*, hæc *ortum* omnium, quæ in *Monadibus* concipiuntur, ex. gr. *differentiarum* *specificarum*, per consequens ipsarum quoque *Monadum* naturalem inferre videtur, quam §. §. 5. & 6. negant.

§. 12.

Opus etiam est , ut præter principium mutationum detur quod-dam *Schema* ejus , quod mutatur , quod efficit , ut ita dicam , specificationem ac varietatem substantiarum simplicium.

§. 13.

Involvere istud debet multitudinem in unitate aut simplici. Omnis enim mutatio naturalis cum per gradus fiat , aliquid mutatur & aliquid remanet , consequenter in substantia simplici datur quædam pluralitas affectionum & relationum , quamvis partibus careat.

Si per hoc *Schema* intelligatur id , quod vulgo *formam* appellant , habebimus præter compositionem ex pluribus affectionibus & accidentibus etiam illud compositionis genus in *Monadibus* simplicibus , quod est ex materia & forma , juxta vulgarem loquendi modum. *Formæ* quippe in compositis vulgo tribuitur id , quod efficit specificationem , ut videatur hic saltim magis congruo novæ philosophiæ nomine *Schema* appellari. Interim merito dubitatur , an Autor per hoc *Schema* formam substantialem intelligere voluerit , quippe cui alibi vim agendi primitivam , quam hic *Schemati* contradistincta , substituit , qua-cum spiritum Celeberrimi & Perillustris Viri , qui corpus omne ex materia & spiritu constare satis plausibiliter adseruit , comparat. An vero forma quædam accidentalis , interna tamen , cui varietates *Monadum* & consequenter per istarum complexum specificationes adscribendæ sint , intelligi debet , aliis dijudicandum relinquimus. De cetero & hic §. 13. cum §§. 5.6.& 7. manifeste pugnare videtur , successivam & gradualem statuens mutationem in simplicibus , etiamsi partibus careant.

§. 14.

Status transiens , qui involvit ac repræsentat multitudinem in unitate seu substantia simplici , non est nisi istud , quod *Perceptionem* adpellamus , quam probe distinguere debemus ab apperceptione seu conscientia , quemadmodum in sequentibus patebit. Atque in hoc lapsi sunt Cartesiani , quod pro nihilo reputaverint perceptiones , quarum nobis non sumus consci. Propter hanc

quoque rationem sibi persuaserunt, solos spiritus esse *Monades*, nec dari animas brutorum, nec alias entelechias, & cum vulgo longum stuporem cum morte rigorose sic dicta confuderunt: unde porro in præjudicium Scholasticorum de animabus prossus separatis prolapsi & ingenia perversa in opinione de mortalitate animarum confirmata sunt.

§. 15.

Actio principii interni, qua fit mutatio seu transitus ab una perceptione ad alteram, *appetitus* adpellari potest. Verum equidem est, quod appetitus non semper prossus pervenire possit ad omnem perceptionem, ad quam tendit; semper tamen aliquis ejus obtinet, atque ad novas perceptiones pervenit.

Primo recte distinguitur inter *perceptionem simplicem*, directam, & reflexam, seu eam tantum, cuius habemus notitiam, quam *apperceptionem*, una voce, nominare libet. Non enim sequitur, nullam adesse perceptionem, si vel actus reflexus deficit, vel saltim perceptionis non simus consci. Utrum vero *perceptio* nil sit, quam *Status Monadum transiens*, qui repræsentat multitudinem in unitate, non sine ratione dubitatur. Si quidem in vulgari perceptionis idea subsistamus, facile innumeratas variationes in ente fieri concipiems, ut nihil inde percipiat proprie loquendo. Si vero *perceptio* idem sit, ac passio generatim dicta, aut receptio actionis & reactio quædam, certum est, nullam sine ea fieri posse mutationem. Cavendum autem semper putamus, ne ideæ confundantur, & receptis dum terminis alia significatio statuatur. Præstat novos omnino fingere terminos, eosque distinete explicare. Sic etiam actio, seu transitus ipse ab una perceptione seu passione ad alteram *appetitus* quidem adpellari potest, non vero in consueto, omnibusque familiari, sensu. Utrum etiam *appetitus* semper aliquid obtineat ejus ad quod tendit, vel illius perceptionis ad quam tendit, dubio non vacat. Haud enim infrequenter appetitum frustraneum esse experiuntur multi, qui ingemant illud: *vellem si possem*. Imo per actionem aliquam notwithstanding nihil illius, quod intendebatur, sed plane contrarium quod fugiebatur, obtentum fuisse, observarunt haud pauci

ex. gr. ad præcavendam apoplexiā & sanitatem recuperandam instituebatur venæ. sectio, hæc ipsa insultum apoplecticum mortemque acceleravit. Qualia in praxi clinica Medicus, & hujus vitæ Politicus quivis, plura quotidie notare potest.

§. 16.

Ipsimet experimur multitudinem in substantia simplici, quandoquidem deprehendimus, minimam cogitationem, cuius nobis conscientii sumus, involvere varietatem in objecto. Omnes itaque, qui agnoscunt, animam esse substantiam simplicem, hanc multitudinem in *monade* admittere debent, atque Bælius ea in re difficultates facessere non debebat, quemadmodum fecit in suo *Dictionario*, articulo *Rorarius*.

§. 17.

Negari tamen nequit, perceptionem & quod inde pendet per rationes mechanicas explicari non posse, hoc est, per figuras & motum. Quodsi fingamus, dari machinam, quæ per structuram cogitet, sentiat, percipiat; non obstat, quo minus iisdem proportionibus retentis sub majore mole construi concipiatur, ita ut in eam aditus nobis concedatur tanquam in molendinum. Hoc supposito, intus nil deprehendemus nisi partes se mutuo impellant, nec unquam aliud quicquam, per quod perceptio explicari queat. Hoc itaque in substantia simplici, non in composta seu machina quærendum. Imo etiam præter istud in substantia simplici non reperietur aliud, hoc est, præter perceptiones earumque mutationes in ea nil datur. Atque in hoc solo consistere debent omnes *actiones internæ* substantiarum simplicium.

Multitudinem dictam in substantiis simplicibus nobis notis utique vel experimur vel conjicimus. An vero his definitio prima *Simplicis*, omniumque omnino partium carentia, attribui possit, dubitamus. *Perceptio* quidem per *figuram* & *motum* explicari nequit in sensu proprio & recepto, sine motu tamen nunquam concipitur, qui generatim loquendo in omni perceptione necessario statuitur. Ea vero *perceptio*, quæ impropter ita dicta saltim multitudinem variationum dicit, per rationes mechanicas quin explicari queat, nemo dubitabit. Quas difficultates Bælius objecerit, studio nunc inquirere nolumus, neque ejus *Dictionarium* in allegato articulo inspicere, ne in-

cogitata nostra ullum se insinuet præjudicium. Ea enim nuda prout se in lectione hac offerunt, a nullo alio subministrata vel excitata in chartam hanc conjicere volumus, qui non eruditio-
nis ostentandæ gratia scribimus.

§. 18.

Nomen *Entelechiarum* imponi posset omnibus substantiis simplici-
bus seu *monadibus* creatis. Habent enim in se certam quandam
perfectionem ($\epsilon\chi\gamma\sigma\iota\tau\circ\eta\lambda\epsilon\sigma$), datur quædam in iis sufficien-
tia ($\alpha\lambda\alpha\gamma\kappa\epsilon\alpha$) vi cujus sunt actionum suarum internarum fon-
tes quasi avtomata incorporeæ.

Sint *Monades* creatæ *Entelechiæ*, avtomata incorporeæ, quod
per placet; qui autem fient ex *Monadibus* his incorporeis sola
compositione corpora? Aut enim dantur *Monades* aliæ corpo-
reæ, aliæ spirituales, aut demum ex spiritualibus seu simplici-
bus fient corporeæ, hoc est, compositæ. *Monadas* vocari cor-
poreas in sensu Auctoris implicat æque, ac si simplex dicas com-
positum. Si vero corpora ex *Entelechiis* composita fuerint,
habebunt omnia, quæ *Entelechiæ* habuerunt, neque quicquam
aliud, quam quod ex simplicibus ingredientibus receperunt,
juxta §. 9. Præstabit autem unumquodque corpus, seu machi-
na composita simplici, corporeum incorporeo, utpote non
unius saltim, sed plurium simplicium virtutes possidens. Ma-
joris erit momenti hæc quæstio, quam scholasticorum disputan-
tium, an simplex præstet composito?

§. 19.

Quodsi *animam* adpellare libet, quicquid perceptionem & appeti-
tum habet in sensu generali, quem modo explicavimus; omnes
substantiæ simplices aut *Monades* creatæ appellari possent animæ.
Enimvero cum apperceptio aliquid amplius importet quam sim-
plicem quandam perceptionem, consultius est, ut nomen gene-
rale *Monadum* & entelechiarum sufficiat substantiis simplicibus,
quæ simplici perceptione gaudent, & animæ appellantur tantum-
modo istæ, quarum perceptio est magis distincta & cum memo-
riâ conjuncta.

§. 20.

Ia nobis enim ipsis experimur statum quendam, in quo nihili re-
cordat-

cordamur nec ullam perceptionem distinctam habemus, veluti cum deliquio animi laboramus, aut quando somno profundo absque insomnio oppressi sumus. In hoc statu anima quoad sensum non differt a simplici *Monade*. Sed cum status iste non perdureret, aliquid amplius sit necesse est.

§. 21.

Atque inde non sequitur, quod tunc substantia simplex careat omni perceptione. Fieri hoc nequit per rationes modo dictas: neque enim perire, nec sine omni variatione subsistere posset, quæ aliud esse nequit, quam ipsius perceptio. Enimvero quando ingens adest exiguarum perceptionum multitudo, ubi nihil distincti occurrit, mens stupet, quemadmodum in gyrum aliquoties celestiter acti vertigine corripimur, qui attentionem evanescere facit, ita ut nihil distinguere valeamus. Istiusmodi statum ad tempus animalibus mors conciliate valet.

Distinctio inter Monadas simplices & animas satis clare posita esse videtur: non tamen puto minorem animabus simplicitatem tribui, sed saltim majorem perfectionis gradum. Ex statu animi, sopore aut deliquio oppressi, quando evigilans nihil recordatur, utique non sequitur, quod substantia simplex careat omni perceptione, sed neque hoc sequitur, quod gaudeat illa. Demus enim, quod in quæstione est, illo in statu animam sine variatione subsistere non posse: eritne omnis variatio statim perceptio? Sit etiam omnis variatio in anima perceptio quia in anima: an ergo ab anima ad *Monadem* quamcumque legitimate concludetur? Siquidem anima deliquio oppressa non desinit esse anima; possent in hac quæ tum contingunt variations dici perceptiones, in aliis *Monadibus* vero res se alter habere. Stupor mentis, qui exemplo vertiginis explicatur, potest etiam ex hypothesi Newtoniana de lumine illustrari. Quando enim quæritur: cur radii Solares per lentem & prima transmissi cernantur colorati, non vero extra hos similesve casus? respondent, radiorum nondum separatorum multitudinem distinctum colorem non exhibere oculo in lumine constituto, ut multitudo colorum confusorum evanescere faciat omnem

omnem colorem, adeoque lumen videatur purum esse. Simili modo posset ob multitudinem exiguarum perceptionum mens stupere. An vero mors istiusmodi statum animalibus conciliat ad tempus, & tum quidem mens quasi in gyrum acta vertigine corripiatur, aut multitudine perceptionum obruatur, adeoque in mortuis major sit perceptionum quantitas, quam in vivis, omnium optime posset docere B. auctor, si quidem ex illo statu ipsi ad tempus redire liceret, suosque illarum rerum certiores reddere, quod Marsilium Ficinum Michaeli Mercato suo præstitisse tradunt.

§. 22.

Et quemadmodum omnis præsens substantiæ simplicis status naturaliter ex statu præcedente consequitur, ita ut præsens sit gravidus futuro;

§. 23.

Ita quoquē cum evigilantes ab isto stupore perceptionum nostrarum consciissimus, necesse omnino est ut aliquas immediate ante habuemus, quamvis earum consciī non fuerimus. Etenim perceptio naturaliter non oritur nisi ex alia perceptione, quemadmodum motus naturaliter non oritur nisi ex motu.

Si nihil forinsecus accidere potest substantiis simplicibus, status præsens in iisdem ex præcedente saltim sequi videtur, & perceptio ex perceptione, ita ut omnia non interrupto ordine perpetuo causarum nexu cohæreant in infinitum. Perceptio quidem generat perceptionem, si tantum valeat, sed naturaliter etiam excitatur ab objecto moyente, excitante, non percipiente, ita quidem ut cum perceptione, quæ proxime & immediate in subjecto percipiente antecessit, ne minimam quidem habeat connexionem, quod testari videtur experientia: In Compositis extra controversiam res est posita, hæ vero an ab objectis externis excitari possent, si idem in Simplicibus fieri nequeat, quæri potest? Etiamsi perceptio proprie sic dicta per solum motum explicari haud queat, non tamen sine motu concipiatur vulgo perceptio, ut supra dictum, neque repugnat inter heterogenea dari actionum passionumque commercium, licet

et illud per leges Geometricæ proportionis determinari non possit. Si vero perceptio in generaliori sensu accipiatur, longe minus erit dubium, eam ab objecto externo excitari posse.

§. 24.

Apparet inde, nos, quando nihil distincti &c, ut ita loquar, sublimis ac gustus altioris in nostris perceptionibus habemus, in perpetuo fore stupore. Atque is *monadum nudarum* status est.

§. 25.

Videmus etiam, naturam dedisse animantibus perceptiones sublimes, dum iis organa concessit, quæ complures radios luminis aut complures undulationes aëris colligunt, ut per unionem fiant magis efficaces. Simile quid in odore, sapore & tactu, forsitan in aliis etiam sensationibus bene multis, sed nobis incognitis, occurrit: atque mox explicabo, quomodo, quod in anima accedit, repræsentet illud, quod fit in organis.

Si *nudarum Monadum* status est stuporis, mortis, qui ad vitam evocantur, cum vestimenta induunt? Qui status compositiōnis, quæ juxta §. 2. est mera aggregatio Simplicium, distinctiores perceptiones altioris gustus, quales natura dedit animantibus, conciliare valet? Radii quidem luminis per unionem redundunt efficaciores, singulæ autem *Monades* in aggregatione ibi mutuo viciniores redditæ neque una in alteram, neque aliud quoddam externum, sive sit substantia sive accidentis, in singulas agere potest (per §. 7.) neque totum Compositum plus habere potest, quam Simplices, quæ ingrediuntur (per §. 9.) eidem tribuerunt. Quod in sensationibus animantium, id quod in anima accedit, repræsentet illud quod in organis, nemo facile negabit: vulgo enim per organa ad animam ferri actionem objectorum, eamque solam proprie sentire statuitur. Idem ergo in anima contingere necesse est, quod in organis, ut a fortiori hanc representationem (sed non simplicem) admittere cogantur vulgaris opinionis patroni. In eo saltim residuebit dubium, cum anima simplex maneat *Monas*, adeoque per §. 9. fenestris careat, per quas aliquid ingredi valet, quid eam juvent organa? Cui bono tantus instrumentorum apparatus animantibus

tibus a natura datus? Potuissent meræ istæ repræsentationes simplici speculo absolvī. Et quæri hic in erito debet, utrum anima apperceptione prædita fuerit ante conjunctionem cum corpore organico, an vero eam, hoc est, distinctam & cum memoria conjunctam perceptionem demum habeat ex hac unione, seu clarius loquendo, juxta-positione? Ex hac nihil anima commodi trahere potest, tum quia vera unio non intercedit, tum quia multitudo saltim perceptionum earumque debiliorum cumulatur, si in compositione cum pluribus *Monadibus* seu corpore organico consideretur, quæ multitudo stuporem potius statumque mortis (per §. 21.) conciliat. Quodsi vero attulerit hanc virtutem anima corpori socianda, iterum videre nequeo, quid conferat corpus, quod si non noxium animæ, inutile eidem saltim erit.

§. 26.

Memoria speciem *consecutionis* suppeditat animabus, quæ rationem imitatur, sed ab ea distingui debet. Videmus ideo, animantia, dum percipiunt objectum, quod ipsa ferit, & cuius similem perceptionem antea habuere, per repræsentationem memoriarum exspectare, quod eidem in perceptione præcedente jungebatur, & ad sensationes ferri similes iis, quas tum habuerant. E. gr. Quando baculus monstratur canibus, doloris, quem ipsis causatus est, recordantur, clamant & fugiunt.

§. 27.

Et imaginatio fortis, quæ ipsos ferit ac movet, vel a magnitudine, vel a multitudine perceptionum præcedentium proficiscitur. Interdum enim idem est impressionis fortis uno ictu factæ effectus, qui diuturni habitus aut multarum perceptionum mediocrium sapientius repetitarum,

§. 28.

Homines bestiarum instar agunt, quatenus consecutiones perceptionum, quas habent, nonnisi a principio memoriæ pendent, & instar Medicorum empiricorum agunt, qui simplici praxi absque theoria utuntur. Et nos non nisi empirici sumus in tribus actionum nostrarum quartis e. g. quando lucem diei crastini exspectamus, empirice agimus, propterea quod constanter ita factum fuit. Soli Astronomi per rationem judicant.

Id quod alii *simulacrum rationis* appellant in animantibus ceteris,

teris, quibus rationem denegant, ut hæc homini sola re maneat, videtur hic dici *species consecutionis*, quam memoria suppeditat. Sed si hæc omnia admittamus, præter nomina nova nil habebimus, & nihil aliud scire poterimus, quam DEUM animantibus aliis dedisse etiam sensum, memoriam &c. imo & rationem gradu inter ipsa diversam. Qui actiones animantium nonnullorum per simplicem consecutionem explicaverit, si attenta mente sine præjudicio eas consideret, is erit mihi magnus Apollo. Unum exemplum, quod inter plura *Rorario* addenda notavi, memorare lubet. Catellus quidam ex illorum genere, qui pilis carent, hyberno tempore ad arcendum frigus noctu toga gossypina indutus singulis fere diebus primo mane surgens ex ædibus suis clam se proripuit, inque alienas similem catellam visitatum venit, & homines ibi degentes blandis variisque gesticulationibus sollicitavit, ut vestimenta nocturna ei detraherent, quo liberius cum catella agere posset. Cumque aliquando in exuendo integumento nemo eum juvaret, ipse mire se torquendo variis locis, sedilibus, mensæ, corpus adplicando artusque hinc inde movendo, artificium invenit vestimentum deponendi. Hoc cum per tempus bene longum continuaret, Dominum suum latere non potuit, qui hinc singulis mane domi eum vestibus liberavit, posteaque dimisit, ad quem prandii tempore & vespera adpropinquante semper rediit, seque ad propria tecta recepit. Quando autem ædes catellæ primo mane nondum apertas offendit, e regione stans latratu suo monuit, ut aperirentur. Quæcumque cum habitatoribus & vicinis (totam enim plateam latratu suo sæpe excitavit) molesta evaderet, non tantum ædes amplius ei apertæ non fuerunt, verum etiam lapillis e fenestra projectis procul abactus fuit. Et cum his non cederet, sed ad ipsas ædes intutum se collocaret, ut peti projectis non potuerit, per famulitium ad fores virgis cæsus, suumque ad Dominum reductus fuit, id quod toties repetitum fuit, quoties redibat. Hinc callidum animalculum aliquandiu domi mansit, deinde iterum non observante Domino sua denuo tecta relinquere, & ad ædes catellæ sine

allo clamore se recipere, furtimque intrare cœpit, cum janua forte aperiretur. Verum etiam tum virgis castigatus & expulsus proculque aëtus diu quidem non rediit, tandem vero redux primum clamorem repetiit, sibique eum in platea locum quo staret elegit, ut neque lapillis peti, neque a famulitio fores aperiente capi virgisque cædi potuerit. Non poterat hoc modo arceri canis, famulitio haud semper vacante, hinc potius ne latratu suo toti viciniæ molestus esset, saepius eidem fores adapertæ fuere. Cum vero ipse nihilominus multas increpationes & lapidationes ob clamores istos per integrum fere annum sustinere deberet, interdum etiam plane non intromitteretur, aliquando e regione ædium stans & latrans vidit puellum ad fores accedere, manuque malleum appensum prehendere, subjectamque incudem pulsare, istaque pulsatione facta fores aperiri : quo facto non quidem immediate accurrit ad ædes, quamdiu per fenestras aliquem prospicere observavit, sed potius abitum simulans siluit. Cum vero clavis fenestrarum se haud observari ulterius crederet, per latus ad ædes accessit, eoque se collocavit loco, quo puellum fores pulsantem viderat, quo etiam e fenestrarum nemo proprius fores premens detegi potest, & subsultando malleolum inovit, foresque pulsavit. Cumque habitatores crederent, a puella vel pueru quodam vicinorum nil ad quæsitum respondente, sed saltim, ut solent, fores pulsante idem fieri, aperiebatur janua & canis læto saltu intrabat. Quod cum postea frequentius repeteret, ea que res omnibus animalculi calliditatem mirantibus habitatoribus molestiam magnam haud crearet, liber ei accessus & recessus tum a suotum a catellæ Domino in has illasque ædes permisus fuit. Rem omnem plures oculis suis observarunt, certusque sum, a nemine canem, ut januam pulsaret, instructum, sed in eo pueri actionem saltim imitatum fuisse. Egregiam mehercle! actionum non cohærentium, sed identidem pro circumstantiarum ratione mutatarum consecutionem, quam memoria suppeditavit scilicet. Nonne semel virgis cæsus canis memoria plagarum admonitus cum clamore & ejulatu fugere has ædes potius debuisset, quam, ut aperirentur, puerum imitari pulsantem?

§. 29.

Enimvero cognitio veritatum necessariarum & æternarum est id, quod nos ab animantibus simplicibus distinguit & rationis ac scientiarum compotes reddit, dum nos ad cognitionem nostri atque DEI elevat. Atque hoc est istud, quod in nobis *anima rationalis sive spiritus* appellatur.

§. 30.

Cognitioni veritatum necessariarum & earum abstractionibus acceptum referri debet, quod ad actus reflexos elevatis simus, quorum vi istud cogitamus, quod *Ego* appellatur, & hoc vel istud in nobis esse consideramus. Et inde etiam est, quod nosmet ipsos cogitantes de ente, de substantia cum simplici tum composita, de immateriali & ipso DEO cogitemus, dum concipimus, quod in nobis limitatum est, in ipso sine limitibus existere. Atque hi actus reflexi præcipua largiuntur objecta ratiociniorum nostrorum.

Anima rationalis sive Spiritus est cognitio veritatum necessariarum & æternarum. Nilne præterea? Innumeros deprehendes homines, qui haud paucas veritatum necessariarum & æternarum ignorant: imo, si ipsis axiomata ista & principia dixeris, te non intelligent, & longe plures, qui nunquam per omnem vitam suam de iis cogitant. Hi ergo carebunt anima rationali, aut saltim dimidia gaudebunt, vel aliqua ejus parte, nihilque vel parum habebunt, quod ipsos a brutis distinguat. Soli forte Philosophi, maxime Metaphysici & Mathematici, qui abstractionibus utuntur, & universalia formant, hi erunt homines. Quid autem fiet cum ipsis Philosophis, qui veritates pro æternis & necessariis a nobis habitas non agnoscunt, qui in principiis dissentunt? Bestiæ erunt? Actus vero reflexos sublimiorem in nobis rationis gradum constituere omnes fatemur. Num autem nulla vel aliqua cognitionis reflexio aliis quoque animantibus competit, ideo demonstratu difficile est, quod ipsa dicere nequeunt; hinc vero sufficiens id negandi argumentum non deducitur.

§. 31.

Ratiocinia nostra duobus magnis principiis superstructa sunt. Unum est *principium contradictionis*, vi cuius *falsum* judicamus, quod contradic-

dictionem involvit, & *verum*, quod falso opponitur vel contradicit.

§. 32.

Alterum est *principium rationis sufficientis*, vi cuius consideramus, nullum factum reperi posse verum, aut veram existere aliquam enunciationem, nisi adsit ratio sufficiens cur potius ita sit quam alter, quamvis rationes istæ lèpissime nobis incognitæ esse queant.

Quod ad principium *contradictionis* attinet non est quod contradicam. Alterum vero, seu principium *rationis sufficientis*, declaratione ulteriori indigere videtur. An cum eo convenit, quod ajunt DEum & Naturam nil agere frustra h. e. sine ratione? An rationem sufficientem ipsa quoque voluntas liberrima absolute agens præbet, qualis ratio additur editis Galliarum Regis in verbis: *Car tel est notre plaisir?* An vero hæc voluntas aliam rationem moventem habere debet præter simplex libertatis exercitium, quod ipsum videtur velle? Si hoc; dubito an omnes consensuri sint in Universalitate hujus principii. Sæpissime enim accidit, ut inter duo non inveniam rationem, cur unum alteri præferam. Certum quidem est, subesse quoque actioni vel electioni rationem quandam me non animadvertisse, si exempli gratia e duobus thaleris ejusdem bonitatis prehendam manu proximum, commoditatis habita fuit ratio: si ita positi fuerint, ut æque commodum sit tollere & hunc & illum, si quis etiam non studio arripiat illum, qui minus commode potuit tolli, neque tum ratio commoditatis dari poterit. Sed si alia non occurrat, dices eam nobis manere incognitam, quod verum esse fateor. Ast porro inquietus: mathematice demonstrari posse hoc principium, si contradictionis illud admittatur, per deductionem nimirum ad absurdum: positis ex. gr. duabus triangulis æqualibus & similibus, seu iisdem per omnia, A. & B. negato principio sufficientis rationis potest mutatio contingere in A. immutato manente triangulo B. in illius postea locum posito, adeoque non manente eodem cum triangulo A. quia vero triangula fuerunt eadem & nunc sunt diversa, sequi ajes, quod idem possit simul esse & non esse, id quod est absurdum.

osurdum. Sed facilis est responsio: distingue tempora & concordabit scriptura.

§. 33.

Quando veritas necessaria, ratio reperi potest per analysin, dum eam resolvimus in ideas & veritates simpliciores, donec ad primitivas perventum fuerit.

§. 34.

Hoc pacto apud Mathematicos *theoremata speculationis & canones praxeos* reducuntur per analysin ad definitiones, axiomata & postulata.

§. 35.

Et dantur tandem *idea simplices*, quarum definitiones dare non licet. Dantur etiam axiomata & postulata, aut verbo *principia primitiva*, quæ probari nequeunt, nec probatione indigent, atque ista sunt enunciationes identicæ.

§. 36.

Enimvero *ratio sufficiens* reperi etiam debet in veritatibus contingentibus vel facti, hoc est, in serie rerum, quæ reperitur in universo creaturatum, ubi resolutio in rationes particulares progredi posset in infinitum, propter immensam rerum naturalium varietatem & divisionem corporum in infinitum. Datur infinitudo figurarum & motuum praesentium atque praeteritorum, qui ingrediuntur in causam efficientem scripturæ meæ praesentis, & infinitudo exiguarum inclinationum ac dispositionum animæ meæ, praesentium atque praeteritarum, quæ ingrediuntur in causam finalem.

In necessariis, ubi processu scientifico uti licet, analysis tandem ultimam detegit rationem, quamquam hoc non nisi excellentis Philosophi opus sit. Quod vero attinet ad veritates contingentes vel facti, in his vel reperire vel habere semper rationem sufficientem non hominis excellentissimi, sed entis summi, perfectissimi, hoc est, DEI opus videtur. Ratio est ipsa illa infinitudo rationum, aut, si malis, in creaturis libere agentibus (quæ quidem rationales dicuntur) interdum rationis defectus & carentia. Diversitas hæc inter Ens Summum, increatum, & creatum principii hujus universalitatem maxime infringere videtur. Quod de corporum in infinitum divisione hic incidenter dicitur, le mathematica intelligi potest.

§. 37.

Et quemadmodum tota hæc series nonnisi alia contingentia anteriora involvit, quorum unumquodque simili analysi opus habet, ubi rationem reddere voluerimus, progressus nil juvat: necesse est, rationem sufficientem seu ultimam extra seriem contingentium reperi, quantumvis infinita ponatur.

§. 38.

Propterea quoque ratio ultima rerum in substantia quadam necessaria contineri debet, in qua series mutationum nonnisi eminenter existat, tanquam in fonte suo.

§. 39.

Jam cū substantia ista sit ratio sufficiens omnis istius seriei, quæ etiam propterea connexa est; non nisi unus datur DEus, atque hic DEus sufficit.

Optima piissimaque B. auctoris intentio in his est manifesta, ubi ex eo homines ad existentiam DEI necessariam agnoscendam dicit, quod in serie rerum infinita non possint reperire rationem ultimam & ex contingentium existentia tandem devenire debent ad existentiam substantiæ necessariæ, in qua sit ratio rerum ultima & series mutationum eminenter tanquam in fonte suo, quo simul ex sufficientia hujus rationis rationum, ut ita loquar, DEI unitatem probat, qui sit אל שְׁהִ. Quæ omnia contemplationem piis mentibus profundam & jucundam præbere possunt, si legitimum istud ratiocinium ab existentia contingentium ad existentiam entis necessarii probe perspiciant. Cæterum facile dubitabit aliquis, an primò omnes admissuri sint rationem sufficientem etiam in contingentibus reperi debere ab hominibus? secundò si series rerum sit vere infinita, quod, non obstante ista infinitudine, extra eam poni possit, aut necessaria consequentia poni debeat ratio ultima progressionis, cum in serie infinita ultimus non concipiatur unquam terminus, multo minus aliquid extra illum, quo tendat. Abuti facile poterit profanum vulgus isto ratiocinio, prout de facto multi thodie abutuntur processu in infinitum, ut malint ignorantia in infinitum progredi, quam alicubi pedem figere firmum.